

èxtra

ARUBA

Tico Croes ta advertí

MESTER PAGA TINU PA ARUBA NO HAYA SITUACION MANERA SURINAME

ORANJESTAD (APA)
Despues cu partidonan di
coalicion a nenga pa incorpo-
ra opinion di AVP encuan-
to futuro estructura estatal di

Aruba den e nota cu lo ser
hiba Hulanda pa discuti du-
rante e reunionnan di con-
tacto interparlamentario.
EXTRA a combersa cu Tico

Croes, miembro di e fraccion
di AVP den Staten, kende a
señala algun cos cu mester
tene cuenta cuné pa no haya
nos mes den un situacion
manera loke a pasa cu Suri-
name.

"Nos a presencia un mo-
mento sumamente amargo
den historia di Parlamento di
Aruba ora cu partidonan di
coalicion a nenga e derecho
di partido AVP di expresa su
opinion encuan- to e tema
"estructura estatal", Tico Croes
a inicia bisando.

Partido AVP ta diferencia
fundamentalmente di opinion
cu e partidonan cu ta forma
parti di coalicion. AVP lo no
duda di denuncia na organo-
nan internacional e actitud di
coalicion cu ta oprimi e dere-
cho di minoria pa expresa su
opinion.

Segun Tico Croes, tanto
partido ADN como PPA ta
scondiendo tras di lomba di
MEP encuan- to estructura es-
tatal. Partido MEP no tin e
mayoria pero ta worde soste-
ni door di ADN y PPA pa for-

ma un mayoria artificial.
"Tanto Pedro Bislip como
Benny Nisbet mester papia
cla awor aki nan, sino mi tin
miedo cu nan lo bai den his-
toria di Aruba como e "Hindó-
rinan" di Aruba. Ta pesey
nan mester papia bon cla
awor", Tico Croes a duna di
conoce.

Cu e palabra "Hindóri-
nan", Tico Croes kiermen
hendenan cu ta comporta
nan mes manera camaleón
den política, manera a soso-
de na Surinam.